

類症普濟本事方卷第六

治諸嗽虛汗消渴

計方七十二

杏酥散 治嗽

杏仁

款冬花

前胡

半夏 製

五味子

麻黃

柴胡

桑白皮

人參

桔梗

各等分

右為末每服三錢水一盞半生姜五片煎至七分

通口服

柏子仁丸

戢陽氣止盜汗進飲食退經絡熱

新柏子仁

研

半夏麴

各二兩

牡蠣

甘錫子內火煨用醋

淬七次焙乾

人參

麻黃根

慢火炙去汗

白朮

五味子

各一兩

淨麴

半兩炒

右為末棗肉丸如梧子大空心米飲下三五十丸

日二服得效減一服如愈即住作散調服亦可

牡蠣散

治虛勞盜汗不止

黃芪

麻黃根

牡礪

煨各等分

右為末每服二錢水一盞煎至七分溫服

防風湯

治風虛多汗惡風

防風

五分

澤瀉

牡礪

炒

桂枝

各三分

右為末每服二錢食後酒調下

又方

白朮

防風

各一兩

牡礪

三分炒如粉

右為末酒調二錢服惡風加防風一倍少氣加朮
面腫加牡礪

治消渴方

浮石

青黛

各等分

麝香

少許

右為末每服一錢溫湯調下

神効散 治渴疾飲水不止

白浮石

蛤粉

蟬殼

等分

右為末用鯽魚膽七個調三錢服不拘時候神效

古方驗錄論消渴有三種一者渴而飲水多小便
數脂似麩片甜者消渴病也二者喫食多不甚渴
小便少似有油而數者中消病也三者渴飲水不
能多便腿腫脚先瘦小陰痿弱小便數此腎消病
也俱忌房勞千金云消渴病所慎者有三一飲酒
二房室三鹽食及麵能慎此不須服藥亦自可消
渴之人愈與未愈常須慮發大癰必于骨節間忽
發癰疽而卒予親見友人邵任道患渴十年果以

癰疽而死

唐祠部李卽中論消渴者腎虛所致每發則小便
甜醫者多不知其疾故古今亦闕而不言洪範言
稼穡作甘以物理推之淋飭醋湯作脯法須臾即
皆能甜也足明人食之後滋味皆甜流在膀胱若
腰腎氣盛則上蒸精氣下入骨髓其次以為脂膏
其次以為血肉也其餘則為小便故小便色黃血
之餘也臊氣者五藏之氣塩潤者則下味也腰腎

既虛冷則不能蒸于穀氣而盡下為小便故味甘
不變其色清冷則肌膚枯槁也由如乳母穀氣上
泄則為乳汁消渴病者下泄為小便皆精氣不實
于內則小便數瘦弱也又肺為五藏華蓋若下有
煖氣蒸則肺潤若下冷極則陽氣不能升故肺乾
則渴易于否卦乾上坤下陽無陰而不降陰無陽
而不升上下不交故成否也譬如金中有水以火
煖其釜若以板覆之則煖氣上騰故板能潤也若

無火力水氣不能上此板則終不得潤也火力者
則是腰腎強盛也常須煖補腎氣飲食得火力則
潤上而易消亦免乾渴也故張仲景云宜服腎氣
八味丸此疾與脚氣雖全為腎虛所致其脚氣始
發于二三月盛于五六月衰于七八月凡消渴始
發于七八月盛于十一月十二月衰于二三月其
故何也夫脚氣壅疾也消渴宜疾也春夏陽氣上
故壅疾發則宜疾愈秋冬陽氣下故宜疾發則壅

疾愈也審此二者疾可理也猶如善為政者寬以濟猛猛以濟寬隨事制度爾仲景云足太陽者是膀胱之經也膀胱者腎之府小便數此為氣盛氣盛則消穀大便硬衰則消渴也男子消渴飲一斗小便亦得一斗宜服下方

八味腎氣丸

乾地黄

半斤

山藥

四兩

茯苓

丹皮

附子

桂心

各三兩

山茱萸

五兩

澤瀉

四兩

右為末煉蜜丸如梧子大酒下二三十九忌猪肉冷水蕪荑胡荽千金地黃丸亦佳在中部心熱中

三消丸

治消渴

好黃連去鬚細末不拘多少剉冬瓜肉研裂自然汁和成餅子陰乾再為末再用汁浸和如是七次即用冬瓜汁為丸如梧子大每服三四十九以冬瓜汁煎大麥仁湯送下尋常渴止一服効

治金瘡癰疽打撲諸瘡破傷風

地黄散 治金瘡止血除疼痛辟風續筋骨生肌肉

地黄苗

地崧

蒼耳苗

青蒿

生艾汁 三合

赤芍

各五兩入水取汁

石灰 三升

右五月五七月七午時修合以前藥汁拌石灰陰乾入黃丹三兩更杵羅細凡有金瘡傷折出血用藥封包不可動着十日差不腫不膿

劉寄奴散

斂金瘡口止疼痛

劉寄奴一味為末摻金瘡口裏

宋高祖劉裕微時伐狄見大蛇長數丈射之傷明日復至聞有杵臼聲往覘之見有青衣童子數人于榛中搗藥問其故答曰我王為劉寄奴所射藥敷之帝曰王神何不殺答曰寄奴王者不死不可殺帝叱之皆散收藥而反每遇金瘡傳之良驗劉寄奴高祖小字也此藥非止治金瘡治湯火瘡至

妙經驗方云劉寄奴為末先以糯米漿雞翎掃傷處後摻末藥在上並不痛亦無痕大凡湯着急用鹽末摻之護肉不壞然後藥敷之

芸薹散 治從高墜下墜損惡血在骨節疼痛

荊芥

藕節

陰乾各二兩

芸薹子

川芎稍

馬齒莧

陰乾各一兩

右為末用蘇枋木半兩酒一大盞煎至七分調下二錢不拘時服

治腕折傷筋損骨疼痛難忍

生地黃

切

藏瓜姜糟

各一斤

生薑

四兩切

右都炒令均熱以布裹罨傷折處冷則易之

曾有人傷折醫曰宜用生龜尋捕一龜將殺患人忽夢見龜告曰勿相害吾有奇方可療于夢中授此方

水仙散

治打撲跌傷惡血攻心悶亂疼痛

未展荷葉陰乾一味為末食前以童子熱小便一

小盞調下三錢以利下惡物為度一方用大乾荷
葉五片燒令烟盡細研作一服如上服之

檳榔散 長肉止痛生肌

檳榔

黃連

木香

各等分

右為末薄貼瘡上神效

治打撲損傷及一切癰腫未破令內消方

生地黃

研如泥

木香

細末

右以地黃膏隨腫大小攤于紙上摻木香一層又

再攤地黃貼腫上不過三五度即愈

元祐中宗人許元公納省試卷過興國寺橋值微雨地滑墜馬右臂臼脫路中一人云急與掇入臼中血漬臼中最難治也僕者如其說神已昏已不覺痛也遂僦卧轎舁至景德須臾親戚集議盱醫者或云非錄事巷田馬騎不能治此疾急鞭馬召至則已日暮矣田秉燭視其面色尚可治此疾料理費力先議盱耐方敢用藥此公去省試止旬日

又是右臂正妨作字今須作兩等商量如旬日內
安痊如舊不妨就試作一等價如至期未能就試
則減數別作一等價悉如其說遂用藥封其腫黯
處云中夜方醒及達旦已痛止矣翊日至悉去其
封藥損處已白其關血青黯已移在臂白之上如
是數日易之其腫黯直至肩背于是藥下之初黑
血一二升三五日如舊臂亦不痛遂得赴試可謂
妙醫矣元公云若在外方遭此厄微田生吾終作